



EBAZPENA, Hezkuntza sailburuordearena, “Dantzerti” Euskadiko Arte Dramatiko eta Dantza Goi Eskolaren 2023-2024 ikasturterako eskola-egutegia egiteko osagarrizko arautegia ematen duena.

“Dantzerti” Euskadiko Arte Dramatiko eta Dantza Goi Eskolaren 2023-2024 ikasturterako eskola-egutegia ondoko hauei lotuko zaie:

1.- Irakasleak irailaren 1ean hasiko dira lanean, ikasturte berria antolatzeko ekintzak eta jarduerak egiteko.

2.- Irakas-jarduerak ezingo dira 2022ko irailaren 7a baino lehen hasi, ezta 2024ko ekainaren 21a baino beranduago bukatu ere.

Azken eskola-eguna eta ekainaren 28ra bitarteko epea ikasturteko hainbat azken azterketa, ikasturtea berrikusi eta ebaluatzeko lanak, programazioak, Urteko Txostenaren prestakuntza eta beharrezko diren eginkizun administratibo guztiak egiteko erabiliko da.

Uztailean zehar eta klaseak ematen ez diren ikasturteko beste egun edo aldietan, (abuztuan salbu), zuzendaritza-taldeko kide bat, gutxienez, beti izango da ikastetxean edo berehala ikastetxean izateko moduan.

3.- Ikasturte barruan ikasleekin jardun-egun kopurua, gutxienez, 175ekoa izango da, hauetako 160, gutxienez, klase-egunak izango direlarik. 2023-2024 ikasturtearen aurkezpena egiteko erabiliko den eguna klase-eguntzat hartu ahal izango da.

Eskolak bi lauhilekotan antolatu ahal izango dira: lehen lauhilekoaren bukaeran azterketaldi bat izango da, eta beste bat, bigarren lauhilekoaren bukaeran, ohiko zein ezohiko deialdietarako. Aipaturiko azterketaldiak (guztira, 15 egun baino gehiago, ez) ezin izango dira, inondik inora ere, eskola jarduera zuzeneko 160 egunetatik deskontatuak izan.

Lauhileko bakoitzean, aipaturiko klase-egunak ezingo dira ikasturteko azken azterketak (ikasle ofizial, zein libreak izan daitezten) sarbide-probak egiteko erabili. Era berean, ezingo dira klaseak utzi ebaluaketa aldiak, gairitu gabeko irakasgaiak dituzten ikasleentzako azterketak edota ebaluaketa-batzarrak edo klaustroak egiteko.

Ikasleek ebaluazio jarraituaren prozesuan gairitu ez dituzten irakasgaien ezohiko proba bat egin ahal izango dute. Proba hori ekainean egingo da, ikastetxearen eskola-egutegietan zehazten diren 160 eskola-egunak amaitzean.

4.- Ezinbestekoz klase-egun gutxiago beteko balitz, berregokitu egin beharko da egutegia, 160 egunotara iritsi arte, beti ere langileen eskubideak betetzen direlarik.

Nahiz eta egunen batean ikasle batzuk edo ikasle guztiak klasera ez joan, ikastetxeak klaseak ofizialki programaturiko ordutegiaren arabera eskaintzen jarraitu behar izango du.

Bestalde, noizbehinka edozein jarduera ez ohikoa programatu ahal izango da asteko zazpi egunetan zehar, igandeak edo oporretako beste aldi batzuk barne. Jaiegun horiek ezingo dira eskola-egunen zenbaketaren barruan kontabilizatu ahalko ezta klaseak aurrez aurre ematearen zenbatekoan.





Egutegia berregokitu behar denean hasieran egiteko erabili zen prozedura berbera jarraituko da. Dagokion Aginte-organoak ez badu berregokitze proposamenik egiten, Hezkuntzako Ikuskaritzak egin dezan eskatuko dio. Erantzunik ezean, Hezkuntzako Ikuskaritzak egutegia berregokitu eta ikastetxeari jakinaraziko dio.

5.- Eskola-egutegia egiteko, dagokion urteko Autonomia Erkidegoko lanegunetako jaiegunen egutegi ofizialaren arabera jaiegun izaera dutenak izango dira jaiegunak, baita herri edo dagokien lurraldeko zaindarien jaiegunak ere. Edonola ere, ezin izango da jaiegun horietakoren bat eskola-egun edo eskolak ematen diren egun bezala hartu.

ESADD Dantzerti ADDGEk, nahi izanez gero, jaieguntzat hartu ahal izango du haien zaindariaren eguna, dagokion egunean zein aukeratzen duten ordezkaturako beste egun batean ospatuz. Edonola ere ezin izango da jaiegun hori eskola-egun edo eskolak ematen diren egun bezala hartu.

6.- Eguberritako oporraldiak 2023eko abenduaren 23tik 2024ko urtarrilaren 7ra bitarteko aldia, gutxienez, hartuko du, bi egun horiek barne.

Aste Santuko oporraldiak, 2024ko martxoaren 28tik apirilaren 1era bitarteko aldia, gutxienez, hartuko du, bi egun horiek barne.

7.- Eskola egutegiaren proposamena tramitatzeko 2008ko martxoaren 10ean Hezkuntza, Unibertsitate eta Ikerketa sailburuak emandako Aginduko 9. atalean ezarritakoari jarraituko zaio, (2008ko apirilaren 25eko EHAA).

Egutegi proposamena ikastetxeko Ordezkaritza Organo Gorenak egingo du, baina organo hori osatu gabe badago, irakasleen klaustroak egingo du egutegi proposamena.

2023eko ekainaren 1a baino lehen, ikastetxeko zuzendariak Hezkuntza Sailak horretarako espresuki diseinaturiko aplikazio informatikoa erabiliz hurrengo ikasturteko eskola-egutegiaren proposamena egingo du, beti ere Hezkuntzako Ikuskaritzak jakinaraziko dizkion argibideak jarraituz. Ikastetxeak aplikazio horretan ikastetxeko Ordezkaritza Organo Gorenak eskola-egutegiaren proposamena onetsi zuen data adieraziko du. Organo horrek eskola-egutegiaren proposamena onetsi zuen bilkurako akta ikastetxean bertan artxibatuko da eta Hezkuntza Ikuskaritzaren eskura izango da.

8.- Erabaki honek ezartzen duena nolabait aldatzeko, ontzat eman egin beharko du Hezkuntza lurralde ordezkariak. Zentroaren OOGek aurrez eta espresuki azalpen-eskabide baten bidez baiezeko txostena eskatuko dio Hezkuntza Ikuskaritzari.

Ildo horretan, irakaskuntza artistikoen berezitasunak eta espezifikotasun handiko ekipamenduen eta espazioen beharrari loturiko baldintzatzaileak kontuan hartuta, ikasketa-planaren garapenean izaera mugatzailea dutenak, irakasgai batzuen irakaste-egutegietan ebazpen honen 5. atalean zehaztutako jai-egunak eskola-egunen eta irakaste-egunen barnean zenbatu ahal dira, baita zapatu eta igandeak ere. Horretarako ikastetxeko zuzendaritzak alde aurretik onartutako eskola-egutegian dagokion aldaketa egin ahal izateko Hezkuntza lurralde ordezkariari eskabide bat aurkeztuko dio, beti ere Ikastetxe- eta Planifikazio-Zuzendaritzari jakinarazi eta Hezkuntzako Ikuskaritzaren onespentxosten arrazoitua izan ondoren.



Dena den, proposatutako egutegi hauek eraginkortasun maila iraunkorra izatea lortzen duten irakasordu-kopuru onargarriak eta atsedeen nahikoak programaturiko plantamendu metodologikoetan oinarrituta egon behar izango dute.

9.- ESADD Dantzerti ADDGEk, finkatutako epealdiaren barruan beren eskola-egutegiaren proposamena bidaltzen ez badu, edo bidalitakoa onartzen ez bada, dagokion Hezkuntza Lurralde Ordezkariak egindakoa onartu behar izango du.

Vitoria-Gasteizen,

HEZKUNTZA SAILBURUORDEA
Begoña Pedrosa Lobato